

zel uh a hi. Zia gual a chun Khristian insung siamtupna ding inle Kochuam ah kimangcha leh a nasep ngai pawimaw a, diktak leh thiangtho tak a sêmtute ma a hung lawting to zel sek u'i. Taksa lam lawtinna khêllam in Pathian thu lam ah thawmhau lo in a um thei sek u'i.

Mihing kam ah lût in mi a subuak pua, kam a kipat pawt dawk hin mi a subuak zaw a hi ti zik ahigual akha'n, Kochuam ah lut hi hinna humbâtna phatak ahia, Kochuam ah kipat pawt hi ahile thagau damtheilona tuttu a hi nuam khawp mai hi.

Pathian muang ah a Kochuam ah kilawi mite chun thi thamuanna a nei u'a, thi maleu hing in a'u. Khawvel sual leh buaina te'n nawkvel in chûmvel maleh, lunggil ah Thagau nasep ziak ah kipakna dik

leh thamuanna muan um chu a neithei u'i.

Kochuam ah kimang zing te'n Kochuam ah kimatlo a, a pawlam ah um khâk ding lau ngei in a'u. Zia chu bangma dang ziak ahipua, dinmun kisang ziak ah thagau mangthai hikhak ding nawplo ziak a hi pen hi.

A tawppen achun, Kochuam ti hi a gen ah gen thaw in ahem, a puan ah puanlat thaw ahem in bukim tak ah genchian zaw sen ding a hi pua'i. A sep ah sep daw thaw dingle um ahiziak in, thagau ah thutak dinpi ngam a pan lak a pawimaw hi. Pathian in a Kochuam malsawm zêl ta hen!

(Zia hi KKP ten Literature Week a matna ah Essay Writing Competition, "Kochuam" ti thupi mang ah kidemna pakhatna a hi).

Editorial 

MIPHALÊMTE

Kochuamten Beigual tha (*September*) lawk tak ah i mat zaw ngei uh kinem pumin Hinna Vak simtute Lal Jesu Khrista min in chibai ka hun buk hi.

Beigual i ti uh hi Mizo pau ah *Beibrual* apat ledawk leh laksawn hileh a kilawm hi. Zia chu a pun ah bawlkhawm ahem sepkhawm tina himai in a. Zia min chu pansanin ei unle Beigual tiin i mang den tau a hi. A umzia hideu pen ah kigen sek uh chu - Nidanglai ah thingtang mite chun lobawl a ha buaipei khawp mai ua. A ziak pen chu hapan ah pangin nek leh chak a thodawk ham ham sek u'i. Chawang a hung kipat tîl, September tha apat hin bu leh bâl te le a hung khang lian tau a. Hampa haw le a hung kûl bek ta loin lo thaw le a hung bai deu ta. Tichun, sep leh bawl te le a hung jangkhai deu tak ziakin in lamah insak-inthang te Pathian thu a la awi nailo te haw nai in, a Beigual (*Beibrual*) ta sek uh a hi. Zia chu sunzawm to zelin tukum in Mizoram Synod chun *Beibrual* (Beigual) kum 100 tinna a mang tau a hi.

Manipur Area kochuamten leh Mizoram Synod a bel apat tuni tiang hin Beigual thupi a la chiapi zing u'i. Tukum (2018) Beigual thupi vang hi ei kochuam mi

ngein a zik, i gam leh kochuam dinmun mila siam a la hi. Beigual thupi kipiate a hawi thei ma ma a, kochuamten a tak ngei ah a sep daw ngei uh kinep a um hi.

I Gamsung, Insung, Khawtang, Mimal leh Ginglote hin mamaw tam tak a nei a, zia chu Pathian gam a hung tun hi a hi. Gingu hingal, mihing leh thina kizawpmat dan hiachian lo le a um thei a. Talent nei ngal, mat phatchuam dan hia lo le a um thei bawk hi. Khawvel salvaktu ding hingal, mite mitmu ah vak theilo leh kochuam umzia, lûlzia leh pawimaw zia hiachian lo lai gingu te le um thei tham a hi. I gen taksa gualun tuchung issue ahin sermon tam tak sim khawm ding i hui.

Lalpa'n Hinna Vak simtute zosia malzawl chiat ta hen !

sek uh a hi. A mêlphate vang zia gual ah etkawl chu a ngai puau hi. Mêlphatna neilo bâkte chu Pathian in a chawihawi zaw sek a, taksa hi a lemkhawm zaw sek hi. Taksa kikhenna umlo ah ki enkawltua chiat a hi'u a, bâk pakhat in a thawk chun a lêng un a thawkpiu in, bâk pakhat chawihawi a hi chun a lêng un a kipakpi sek uh a hi.

Ziagual a chun Kochuamte chule Khrista taksa ah bâkte i hi chiat u'i. Pathian in Kochuam ah mite chu Pastorte, Thugente, Ziltute, Thilmak bawlte, Hi'dam theina thilpiakte, Panpi theina thilpiakte, Vaihawm theina thilpiakte, Pau chuam chuam ah thugen theina thilpiakte, leh thilpiak chuam chuam ei pia chiat a. Zia thilhitheina chu i nei chiat uh a hi. I pankhawm thiam uh a hi chun Kochuam hâttak hi

ding i hi zia u'a chun i pankhawm tei tei uh ngai a hi. I Kochuam ahinle Pawl chuam chuam i um u'a, nasep leh thilbawl chuam chuam i nei chiat u'i. Sunday School Naupang te chu Thilpha hi ding ah Hukdam ahi zia'u a hung ki ziltite to zel u'a, Kochuam lûl dan leh a thamuan umdan te, Khrista hepina thûk ziate haw hung kizilto zel in, amau cgy Khanglai Pawl ah hung lut in, pawl â ding thilpha leh nasep bâk chuam chuam te in a hung kalsuan to kit u'i. A langkhat lam a chun Kochuam Numei Pawl te a la um kit a. Kochuam ah pawl pawimaw ma ma, Khrista Thuhiatpitu dik hi ding in a hung ki ziltite kit u'i. Khristian insung siamna ding ah pan latute lak ah numei mawpuakna a sang ma ma gual in, insung ah inkuante â ding in panmun pawimaw tak Khrista thuhiatpitu a hung hi to

MPCS MANIPUR AREA

Rev. C. Zoramawia
Administrative Secretary



1. Sum din mun:

September 2018 tha leh April – September, 2018 Pathian Gam Thilpiak hung lut leh dan chu ziagual hi a hi.

1) Pathian gam dinmun (September & April 2018 – September 2018)

Sl. No.	Budget Head	2018-2019 Budget	September Receipt	Total Receipt
1)	Pathian Gam	1,80,00,000	19,28,914	1,16,09,939
2)	Anchangham	27,00,000	2,85,408	17,41,406
3)	Gamthak	98,40,000	11,20,396	65,45,979
4)	Semtu Chawpna	12,00,000	1,12,050	7,17,726
5)	Sakramen	1,50,000	2,048	1,15,627
6)	Sunday School	72,000	11,344	52,649
7)	Kichennaa	8,000	550	5,750
8)	Damdawi In	30,000	-	42,233
	Total	3,20,00,000	34,60,710	2,08,31,309

2) Pastor Bial chuam chuam Pathian Gam sunlut dan: (September & April 2018 – September 2018)

3)

Sl.no	Bial	Sept. 2018	Apr – Sept. '18	Thelut zat
1.	Imphal	5,67,190	36,71,395	06
2.	Lamka	5,39,772	31,86,254	06
3.	D. Phailian	5,31,955	30,77,067	06
4.	New Lamka	3,72,655	24,35,156	06
5.	Kangvai	2,40,171	15,92,957	06
6.	Sugnu	2,28,065	13,82,324	06
7.	Mata	2,36,703	13,19,289	06

(Mat.16:18).

2) Pathian a pâk zing thei u'a, mitin dawisakna le a chang u'n, nisîn in Lalpa'n hukdam ah um ding a lak un a belap piak zêl sek hi (Nas. 2:47).

3) Pathian Kochuamte chu a Chapa thisan ah a tatsate kilawina a hia, Thagau Thiangtho in a mite entûp ding ah ei kawî ahi zia in a gingchate chung a chun thilhitheina piak a hi sek hi (1 Ko. 1:2).

4) Thubuai-labuai neite â ding in Kochuam Vaihawmna hi thubuai genfelna ding leh vaihawmna dik, fel leh muanum ahi ti ginchak ding a hi. Zia hi'n Kochuam lûlna a sulang ding a hi (Mat.18:15-17).

5) Antiok khua ah Kochuamte chu Khrista nungzuite leh Khristian ti min a hung put pan gual u'n, thitiang huam ah Khrista â ding leh a Kochuam â ding ah pang

te chu zia min kilawm tak chu sak hung hi bep ding hileu hin a killawm hi (Nas.11:26).

6) Kochuam chu Lalpa Jesu Khrista min ah kikhawpkhawmna a hi zia in i Lalpa'u Jesu Khrista thilhitheina chu i chung u'n a um zing hi (1 Ko. 54).

3. Kochuam umzia etsakna mang ah hilchetna

Taksa pakhat Bâk chuam chuam (1 Ko. 12:12-31): Taksa hi pumkhat ahia, ahinla bâk tamtak a nei hi. Zia bâkte chu panna bei a um puau a. Panna, la bei hile a kiti tua thei diak puau hi. Khut leh kêng le panna nei gel a hui hi. Bâk khenkhatte a hât lo pen gual ah kilangte hi a bei ah hitheilo ngawn a hui hi. Chuleh, i taksa bâkteu lak ah a za umlo deute hi a zaum gual in i daidawp u'a, i taksa bâk mêl kilawmlote hi phatak in i chei bawl zaw

8. S. Kawtlian	1,78,500	9,53,383	06
9. Delhi Kochuam	-	4,12,901	05
10. Sharonphai	1,36,230	4,07,736	06
11. Panglian	72,348	3,86,181	06
12. Leilon	63,330	3,84,567	06
13. Munpi	42,686	2,96,058	06
14. Leijangphai	39,774	2,17,972	06
15. Phaipheng	50,589	1,77,383	06
16. Dumlian	33,017	1,61,740	06
17. D. Khawzim	24,621	1,57,020	06
18. Kawlhen	17,907	1,44,338	06
19. B. Phainuam	20,487	1,05,032	06
20. Jiribam	21,885	98,267	06
21. Phailianbung	17,935	94,143	06
22. Tungkyaw	11,000	72,100	06
23. Nanphalong	5,400	34,000	06
24. Chingmei	5,330	32,646	05
25. Kalaymyo	3,200	19,410	06
26. CKNP	-	12,000	
Grand Total	34,60,710	2,08,31,309	

1. Sharonphai Bial enkawltu ding

October 1, 2018 apatin Rev. Khupneithang, B. Phainuam Pastor Bialtu in Sharonphai Bial enkawl kawp ta ding a hi (*OM 13:16 of 16.08.2018*).

2. Joint Consultation of Church Unity

October 2, 2018 ni'n Synod Hall, IB Road, Churachandpur mun ah Mizoram Synod : Manipur Area sensona nuaiin Manipur Synod, Zou Synod & Mizoram Synod : Manipur Area te kigawmkhawm in "*Consultation on Church Unity in Manipur*" lawting takin nei zaw a hi. Resource person chu Rev. C. Zoramawia, A/S & Partnership Consultant a pang hi. Mi a pang zat – 100.

KOCHUAM

-H. Thanglalleem @Boilem
Bible Hill Branch

Thumapui

Ei pau ah **Kochuam** ki ti leh Sap pau ah **Church** ki ti hin kibatlona a nei u'i. Kochuam kiti hin a Biakin bep hilo, Ama ho-leh-bia ding ah hung khawmte leh zia Biakin ah kilawikhawm sek mite a chûnkhawm suak hi. *Church* kiti hin chu Biak In (*building*) leh Kochuam genna'n mat gel gel thei a hi.

1. Kochuam Luchangpen

1) Pathian in a Chapa Jesu Khrista chu Kochuam luchang in a siam a hi (Eph.1:22). Thuneinate, lalnate, thilhitheinate, vaihawmna zosia chung leh tu' khawvel bep hilo ah, khawvel hung tung ding nangawn in le ziate zosia chu khûksak a hi. Zia Kochuam chu a taksa ahi'n, ama chu bangkim ah bangkim subukimtu a hi.

2) Zia ah kilawikhawm mite chu Khrista Jesu ah sukthianthote, mi thiangtho hiding ah ko

te, Jesu Khrista min lam tapote a his ek u'i.

2. Kochuam Lûl zia leh kilawi phatchuamna

Kochuam ah kilawi hin phatchuamna tamtak ei tun thei a, zia tamtak te lak a chun tawm cha vak sulang hitiu:

1) Pathian Kochuam chu suangpi chung ah ki lem a hi. Ziaziakhin, zia ah ginna ngat mite chun thina a zota sek u'a, hinna bukim chang in mithi kul kawtkhak in le a lan zaw lo sung a chun bittak in a chêng thei u'i

ahi. Akisan utlotte vang chu kuama force ah bawl ding ah ko leh sawl i hi puau. Zia vak thu, hukdamna thu kisan utlo te kianga chun bang bawl di i hi tau em le? Matthew 10:14 chun a gen hi:

A khua ahem, a in ah umte ahem khan ala lawp lo ua, la thugen uh le a la lawp lo ua leh la keng ua leivui chu tat thak khum malam mai un. Setan chun mite thagau chu a la zo vek ta; Jesu kipat in a vakmang zo vek tau ahi.

Chuti ahileh midangte kianga i vakna thu' chu va hil tak lodi a hi ta diam? Hinaisai lo ve! Lalpa'n nusia ziang ding ah ei hil ua leh nutsia mai di; Lalpa'n kuahem khat bil ah va gen zel ding ah ei hil chun va gen mai di ahi. Himaleh, thilpha la bawl lai ah le min a hun dem ua, a hun pakchat lo un le lungneu kin. Min napha sepna ding ah lunglutna a neilo a, kawt a hung khak

khum lai inle kingaisia kin. La melma chun midang mit a sukthum ziaka la kinepna leh kipakna a hun lakpiak ding phal ziang kin.

THUKHAKNA

Khawvel vak kiti chu bang tina ahem? A Chawmlam ah gen a chun Jesu chanchin midang te kiang ah va gensawn, Jesun a hun puak thil pha haw zia khawvel thim nuai ah hawm zak ding, na pha sep ding chu ahi. Jesun a hun puak kinepna, kipakna leh gitlo apat zalenna chu midang kiangah i hawp daw diu ahi. Zia khawvel ah i um lai ua hin panpi ngaite i panpi ua, kinepna neilote kinepna lampi i kawkm diu ahi. Chutileh eimau ah um Jesu Khrista chu miten mutei bep ding ahiu. Jesu panglo hinkhua mang ten Khawvel hi a thim sak in, Jesu pang lo hinkhua chu hinkhua thim ahi.

LA GAM HUNG TUNG HEN

(Luka 11:2)

-Rev. S. Khaikholam
i/c Kangvai Pastor Bial

Pathian gam hung tunna ding hial chu gen tak tak ngai ding a hi zia kin i phak zaw gual lo ding ah i ngaite hileh le tung thei a hi ti ngaituana tawh lungthim piting tak pumin sim tak tak hi tiu.

Pathian gam, i gam sung ua a tun theina ding a chun a ma dawigual gual ah van a miten a bawlsek gual ua lei ah miten le a bawl diu a hi.

1. GAM VAIHAWMNA AH : Pathian dawigual lei a bawl a hi theina ding in vaihawmna pha a pawimaw a, vaihawmna pha nei ding in vaihawmtu pha a pawimaw hi.

Kochuam puitu masa John Calvin chun Geneva khawtang vaihawmna siampha dingah pan a hun lak laiin kochuam puitu himaleh vaihawmna a khuta a chan theina ding in kum 14 sung zet a lawite tawh a la soal nung un a hung lawting ua, khawtang a hun siampha thei tau. Kochuam

leh politics chu kichuam kawi ngal, kiihiathiam taka chiakhawm ding in a daw a, election te ah khua le tui hina zal a pang chiat ding in a phut hi. Kochuam inle a diklo chu hangsan tak ah thuhil ngam ding a hi a tia, zia hun lai a vaihawmtu diklote kha le a dodal nasa khawpmai hi. John Knox in le Scotland lengnu Mary kha nasatakin a kibawlchak pi a hi.

I gam a, Pathian gam a hung tun theina ding ah vaihawmtu pha nei a pawimaw in bang gual

vaihawmtu pha i nei thei a hi diam le ? A buai um na pen khat chu vaihawmtu thuani (dual govt.) nei gual a i um uh hia, zia thuani te hi tawh i kithigual lo uh chun haksa ma ma in a. Govt.lam apat vaihawmtute hita hen lang, Govt. lo lam le Pawlpi lam tawh kochuamte kithutuak takah I pankhawm uh chun vaihawmtu pha leh vaihawmna dik i nei thei ngei uh kinep um ka sai, mipi a ngawn a hi zia un. John Calvin hun lai a khan le vaihawmna thua 3 a um a, Council neu, Council lailung leh Council lian te a um u'i. Mipite kithutuakna zia kin Council te a hun thunun zo vek uh a hi.

Thingnuaimi i tite haw le mi tawmngai, midangte a ding ah hinna piaphal ah gam leh nam a ding ah nasemte a hui. I gam buai lai ah i ngainat pen leh i suan pente a hui. Zia ban a chun Sorkar lam vaihawmtute a hung diktatlo bek bek

phat ua leh, dan le mual nonel tak chun vaihawmna a siamphat zawlo nate ah mi diktatlote siam lamzang tu'n a hung pang ua, zia ban a chun sorkar thilkham – damdawi, zu leh a dang dang zuakte a mau in a hun khap tak tak phat ua leh a thialnam zung zung mai sek ah hiat a hi zia kin pakchat a um sek ma mau hi. A lelamkai ah a mau le a hung tawi val phat ua leh i awimaw sek u'i ti thu a hi. Vaihawmtute hi thilpha dawi ah hung kipan ngawn a hui a, mipiten a diklonau a um chun i nan ngam ding uh a hi.

Vangphatum takin mi gentheite kitundaw thei nading ngaikhawk ah I gam puaphat gua ah nasatak a sem MLA , kochuam leh khawtang ah le suan um tak tak bangzat a hem I nei tak teu leh i nei zel teu zia kin le kipak a um ma ma'i. Ahin lah a mau haw hin le a lungthim gual tak

nang ahun ngansia tak ahileh la sep lo chun Pathian lalgam chu chankang lo kisuak ziang di ei ve. Nang zia kin hi di chu la nuam em?

Isaiah 58:10 chun hitin a gen hi:

“Gilkial kiang ua an la piak ua, sukgenthei ah umte taksapna la sawmdawl ua leh, la vakna chu thim lak ah chun hung kilang tan tin, la thimna chule sunchang lai tak gual in hung vak tan a.” Mite hian vak hi i nuam sek puau a, a da um mama hi.

Achang leh thim ah umte kianga vak thu la gen a, amau chun ngaisak loah thim ah um kit kit ziang le um in au. Zia haw zia kin a khan lungneu kin, ziagual mite chungchang khale bible in ei hil ui.

John 3:19-21 says:

“Zia hi thiamlo channa chu ahi, vak chu khawvel in a hung a;

himalah, miten vak sangin thim a dawi zawu hi, a thil hui phalote suklat a nawplo zia kin. Thil phalo bawl tapo in vak a dawi puau in, vak inle a hung nuam puau hi. Himalah, thutak ah thilbawl sekte chu, Pathian a kipat a bawl uh ahi ti kilatna ding in vak in a hung sek ui, a tia.”

Khawvel mite khenkhat chu hukdam hi nuam lo a um hi. Mi khenkhat kit chu hukdam hi nuam tho himalah Jesu tawh kumtuang gam lua khawm lo ding te a um baw ui. Bang chu hitaleh, I hiat diu thil pawimaw tak chu: ziate chu I sandanglam thei lo dite ahi mai ui. Ginglote kianga a hukdamna thu va gen ding ah ko ihuia, himalah, mi namphu ah va bawl ding in ko ihi puau. Zia hukdamna hi manbei ah kihawm ahi gual zel in eimau in le I zalen nawpnau ngei free will chu mang ah ikisan diu

haw chu Khrista Vak eimau ah um chu va hawm dingin Christian te hi chial ihu. Entia, Khawvel ah jesu a um lai khan ‘sep pitin di’ khat a nei a, zia chu Lal leh Hukdampa ah pawmte tawh Pathian kicham sak chu ahi. Zia na lopi tak chu a thina leh thawkitna jal ah siam daw a tup tin ten hi.

Johan 9:5 himaleh, khawvel ah ka um sung sian khawvel vak ka hi.” Khawvel ah a um lai khan a thi, a tho kit a van ah a kile kit tai. Van ah a kile kit masang a chun ei thuhil ua, zia chu “hi ngei ngei ding” chi “La vak uh chu mite mit mu in vak ta hen; tichun, la thil hi phat teu chu mu tin u, van ah um la pau chu chawihawi thei in au” ti ahi. Matthew 5:16.

Nasepte 26:17&18 a chun Saul chu Damascus ah Christiane va man ding ah a chia lai khan Jesu’n a kiang in:

“Jentelte leh la mipite lak ah kipat nang hun hukdawk ding ka hi.

amau lak ah chun ka hun sawl la hingal a; a mit uh hivak ding leh thim lak ah kipa vak ah pui lut ding leh Setan thilhitheina kipat Pathian lam ah pui ding leh a gitlonau ngaidam a hung hui a, ginna ah keima ah umte tawh go lua ding ah pui dingin, tin ei hun dawnhu hi.”

Zia khawvel ahin midangte mit hivak piak ding leh kinepna neilo te kianga kinepna va siam piak ding leh lampi diklo ah chia te lampi dik ah pui ding in Lalpan ei ngansiau ahi. Zia thu chu bang atia hilsawn lo ding ihu em? Eimau hi Thutak vak chu piak ihu a, midangte chule meisel gual ah va de vak dinga sawl ihu. Pathian in a thupiak te sep ziaka kipakna I chan diu chu eimau mimal utna ziaka kipakna imuteu sang ah thupi zaw hilo ahem? Pathian in la insak – la inthang te kianga zia vakna thu chu tangsappi dinga

ua sem thei tak taklo sek a hi diam uh ti thei dingin a um sek a, a khawk ma ma’i. Chuleh tuma MDC election ah sum seng keilo ah teltin khanglai bang le I nei thei tau ah gen in a um a, kinepna thak a hun pia, kipak a um hi. Zia gual ah i gam ngaina leh veina puitu ginum tamzaw diakte politics ah hung chawmlut u hen lang, i gam veina tak tak bangzat a hem te bek in vaihawmna hun tu leu chu i gam siamphat zaw hi dingin kinep a um hi. Mizoram ah Mizoram Peoples’ Front (MPF) a ding a, election hunte ah Party kigensiat lo ding leh sum ah vote hawllo ding te ah thucha siamin nek-chak guk (*corruption*) a dodal ua, Party *corrupt* te bang kochuamte kithutuakna leh pankhawmna ziakin a theng zo hial u’i. Delhi ah thil phatak bawl ding ah mipi’n a kinoppi ziakun party thak AAP in Govt.

bailam takin a hun bawl zo ua, mitinte bil daw pen khat a suak ui. Thilpha bawl ding veina tak tak neite chu mipi’n a hemil puaua, mipi’n le thilpha i dawi chiat ui. CCPur District Christian Good will Council te bangin nasatakin pan hunla leu chu banghem tiang bek ah Pathian gam hung tunna dingah i lawtin uh kinep um ka sa’i. Zillai puitute, YVA puitute haw’n le Pathian gam hung tun theina ding ah mawpuakna liantak i nei u’i.

2. KHAWTANG AH : I gam ah zu leh damdawi etc. ah siatna a nasa ma ma a. Zia siamphatna ding a chun a chang leh ka ngaituana ah hung pawt sek, a tak a thil bailam tak vang hikhel puan a – a ngawl vei zosia chu kochuamtin in maw kipuak ding, Rehab Centre ah kawi lut siksek ding ti a

hi. Theihai muat leh muatlo i kawi khawm chun a muat in a muatlo a kaisawn gual ah kikaisawn sek a hi zia kin i chateu hukbit a hung haksa ma ma hi. Zia k a chun a kul leh Rehab Centre kochuamin siam be a ngai leh siambe mai a, a fee pia zolo inkuante le kochuamin panpi mai ding hileh. I gam ah veng khenkhat ten khamthei do in nasa takin a bei ua, ahin lah a zuak leh a ne a dawnte chu a kikhaplona lam lamin a kichawn zel ua, a bei theilo a hi. Khristian gam, kochuam ah umna nei chiat i hi zia kun i lengun kithugual hin ziagual in pan la leu hin zaw la tak tak umlo dingin ka ngaitua hi. I gam a Pathian gam a hung tun theina dingin mifel leh veina bangzat a hem te hung kipan tiam u, a zathuap ding chu kuama thabei lo ding a hi. Sorkar lam tawh kithua dan lampi le um ngei in a. I chateu

hukbit theina dingin leh I gam a Pathian gam a hung tun thei tak takna dingin kisa in pan lathak chiat hi tiu. Tu i gen dan khel ua hinle bang ahem zat um ngei in a.

3. IN SUNG AH : I gam a Pathian gam hung tun theina ding ah pan lakna ding mun pawimaw pen pakhat chu Insung ah a hi. Nu le pa tamtak ten i cha teu siamphat zaw guallo khawp ah a um nung ua Camping te, Rehab Centre te ah mitthi pum ah i thak lut uh a kul mai hun a hung tun masang ah Insung ah pan lak ding a hi. Naupang chu a chiana ding lampi ah til le chin, a upat nungin le hemil puana ti Thupilte ah i mu'i. Ziatak ah a gen chu naupang nung zui ah, a ang ah ken sia a hem, ling a hem a um phat leh panpi ding ti hilo in, a chiana ding ah i dawi lampi ah ei ma'n malat ah pui ding tina a hi. I pui dan leh i kaihuai

intin, I vak uh lian deu deu intin, hat deu deu in khang lian zel di ihu. A pawimaw pen chu Vak in I um nau em? Vak in I chia nau em?

Vak ah chia tihi bang kigenna ahem? Ephesa 5:8-9 *“Malai akhan thim la hui a, himaleh, tubin vang Lalpa ah chun Vak la hi tau; Vak chate gual in chawn un. Aziak chu Vak ga chu phatna zosia leh dikna leh thutak ahi. Lalpa lungawina hiding in kizil ta un.”*

Vak ah chia ti chu Pathian lungawina lampi chia tina ahi. Ziachun a gennawp pen chu Lalpa tawh i kikal ah eikhen thei ding thil hung kijepte chu sep mang ah Jesu vak chau ah chia di tina ahi. Jesu tawh i kitawna ah ei kipalsak thei dite chu nawmang a ngai sek hi. Vak ah um a nawpna pakhat chu thil mu a nawp hi ahi. Thil vak pempum kiang ahin thil a kiselgu thei puai. Christian te, hin zia chu hawi taka i hiatchian uh

ngai ahi. I ginnau midang kiang ah iva gensawn phat leh miten hawi takin nai chan ei enchian sek uh ahi. Gal ah phat tuak mama nikhat to iki vawppi leh kihechian deu deu ziang, huat um mama le kitam ahi. Inmun kichaw khawm ivak chenkawm leh gawtmun gual ah kiguat tua ngal le um ahi. Eihaw hi mi du'am tak te ila hikha sek ui. Miten i kam ua i gendaw teu hi a tak a hem tin naichan eila khualchian sek ahi. Laginna la gente kha la hinpi ginna chutawh a kituak nam tin a hun enchian zing ui. Kam ah gen ding ah kilawm mai gen lo in, a tak ah hinpi a, chiapi ding in Lalpan ei dawi ui.

Vak chu i hawp zak uh a ngai hi (We need to share the light)

Jesun, “La vak uh chu mi zosia masang in vak hen,” a ti hi thupiak ei piak uh ahi. Diktak ah gen chun, khawvel mi ei umkimvel te hi Thim in a tuamkhum ngen ahi. Ziate

pawlam chu mun lau um ahi dan leh lam dik ah taina di mun a kawkmu sek hi. Khawvel thim nuai ah mite kiang ah signal light chu Jesu hi ahi. Jesun khawvel a nutsia nung leh zia khawvel ah a hung kit masang sia “Zia khawvel vak hiding in nang le kei hi ei ngansia ahi tai”. Zia khawvel siatna dim leh misualte lak ahin miten hinna lampi a muthei na dingun nang le kei hi “signal light” i hiu.

John 12:35,46: “Ka vak hi nang uh salvak ding in hun chawmcha um nalai in a. La chia thei lai un vak in chia in, tichun thim in hun delpha puan a. Thim ah lam zawt ten a chia nau a muthei puau. Kei khawvel salvak ding ah hung ka hi, kuale ei ging chu thim lak in um den ta puan au.

(b) Vak in thil a khan sak hi (Light helps things to grow)

Genesis chu I sim leh Pathian in lei a siam a, thing leh ganchate a

siam masang in Vak a siam hi. Bang zia ah diam? A khansaktu ding a ti ahi. Vak pang loah thing khang mama ziang la mu khau e? Thing haw hi vak pang loin a khang thei puau, hin le a hing thei puau. A khan theina dingun vak a mamawu hi. Ziagual chu ihu Christiante hih. Eimau ah um vak chu a hung kuang daw k a, Pathian lam nai in I khang to tiat tiat uh ahi. Himaleh, zia meivak chu a kuan zel na dingun mei tiktu a ngai hi. Thingkhua a tuabe ditu umlo ah thingkhua pakhat chau zankhua kuang khawvak la mu khau em? A khuailu beinung ah mumbati kuang lit let la mu khau em? Kuama ziagual chu imu kha puau. Ziagual a chun ei mau ah Jesu Vak chu a vak zing theina dingun pan nasa taka ilak ding uh ahi. Bangti pan lak di ahem? Bible i sim ua, i pauchap zing ua chuleh khawvel la hiu eiti pa tawh hun imatkhawm zing ua leh I vak uh chu vak zing

dan dan chu a dik leh pha ah ngai in a upat hun tiang un le a hemil lo uh a hi. D.L. Moody thugen, “*Ka nu gual hi khawvel ah nu zosia hileu chu Jail siam ngai puana*” a la ti hi Nu le Pa te kingaituana kham tak a hi. Napoleon chun le “*Tunung khawvel um dingdan chu tuni ah numei naulai vei khut in akinga’i*” ala ti kit a. Naudawn, naupang enkawl te kingaituana kham a hi kit hi. Zia thugen dik leh lopite a kipat i mu thei chu – naupangte chu tungman gual ah i nawp dan dan ah mek thei a hiu a, i hil dan dan ah hung khanglian a hiu ti a hi. Ziaziak chun tulai a khangthakte siatna chu Nu leh Pa te zia ah hi le ti thei khawp a hi. A mau haw etkawl dingdan chu Deuteronomy ah i mu gual un – A chut lai, luplai, thaw phat, lamzawt lai te ah ti a hia, a khut te, chalki te, kawt biang te leh Gate te haw ah tâk ding ti a hi.

Hiti tiang ah pan i laklo a hi leh thasuak leu hin eimau chung gikna ding hun siam ngal ding a hi zia ah un theitawp i sua uh a pawimaw hi. Nausen Jesu le a bitna dingin vansawlwchak hil gualin a nu le pa te’n a zan a zan in Aigupta lamin a zammang piu a hi. Zia gual ah insung enkawl tup zo te hin damsung ngei in le insung vangam a teplawk thei ua, zia chu tuni ah i gen Pathian gam hung tunna a hi. Tunu ah khanglai leh naupang lam a simkha te’n le i lampi haw uh velchian thak hi tiu. Siatna khukpi apat kinung lekit thei talo ah i awklut masang un tai daw k hitiu. Nigeria gam ah ngakik (*water fall*) sangtak a um a, a lui nak lam akipat tui in sapul ahun taw phat leh musane ten zia sapul chung ah chuangin ala nesek ua. Tui kikhawthakna mun atun phat leh thakhat a lendaw a guat phat ua leh a tin hiamtak teu chu sapul

phe lak ah saupi ala lut sek ziakin lengdawk manlo in tui kikhaw thakna nuailam in a thi khawlaw sek ui a tiu hi. Zia gual ah khamthei bawl tamtakte le nawp hun hun ah haidawk ziang ding ah kingaitua himaleu a hitheilo sek a hi. La kiang kimvel ua ziagual siatna khukupi a pat pawtdawk zo talo ah hinkhua mang te en tiam u, a mau di'n insung vangam a gamla, lungsiat a um ta luau' hilo maw. La thil chin phalo chu kintakin haisan in, nangle zia gual mun la tun masang in.

4. MIMAL AH : Mani mimal chiat ah Pathian gam tunsak ding ti hin midangte va ngansia lo ah eima mimal thupukna ah kinga a hi ziakin a bailam pen leh pawimaw pen pakhat a hi. I mimal lungthim chiat ah Pathian gam tunsak ding tina a hi. Ziaziak a chun unaute, nangma mimal ah Pathian gam tunsak dingin tuhun ma ma in le thupukna la

siam thei hi. Lalpa chun I thinlung ah hung cheng a, a ma gam hung tunsak nuam in a hun chial zing hi. "*Ngaitia, kawtkhak bul ah dingin ka kiu zing hi*" ati kha. Lalpa chun nangma mimal ngei ah A ma gam hun puaklut nuamin kawtkhak bul ah kawt kiu in a ngak zing a hi. Unau, hawn mailo ding la hem ? I Lalpau chu i thinlung teu lua ding ah chiallo a, eimau hiatna ah kinga a, i nawpna lam chiat ua i chia phat ua leh bang gual thil i tuak sek uh em ? Jesu tina lam ah chanchinpha gen ah kuan lo a, Tiberia dil ah zankhua ah len va sep Peter leh a lawite kha sanga pakhat cha le manlo a hiu kha. Jona ngeile Pathian sawlna lam a chialo ah, Tarsis lam ah a taimang san lai a khan sanga gilpi vatun khawlaw a hi. Emau lam zuan a chiate khan vang Jesu a chial ziakun a nei tam uleh a nei tawm thu uh hilo in lungthim nuam tak leh kipak ah navak takin a um

pen chu Vak a hi. Genesis 1:1-4: "Vak um hen," a ti leh Vak a hung um ta'i." Pathian in Vak chu a mu pha a sa ma ma a; tichun Pathian in vak chu thim tawh a khen dan ta'i. Zia tak ahin Pathian in zia khawvel eihaw chenna ding ah a siam lai hin Vak chu a pawimaw ma ma hi ti i mu' hi. Tichun, Pathian chu mihing te kiana thu a gen phat leh Vak a pang sek a, vansawlwchak te le a hung kilak phat uleh Vak a pang ngei ngei sek hi. Nasepte lekhabu a chun Paul chu Damascus khua a zawt lai in Jesu'n a kiangin thu a hun gen a, Vak in a khaw puk in, a mit le a thum ngal hi ti i mu' hi. Bible pumpi a hin vak kimatna leh vak thilhithe dan imu' hi. Tichun, khawvel vak tia ko i hinaw hi lunggil taka ngaitua kham a ting hi.

Chuti ahileh, ngaitua kham taka ka gel chu: bang ziaka Muslim te a tam be deu deu lai ah Christian population hi awl awl ah

kianiam zing ahi ta diam? Aziakchu kum zabi 21 ahin Christian tam tak chu Muslim ah a lut zia uh ahia, Muslim ten cha a hau zia him him zia uh le a hi. *Christian today.com* te chun mipi chialna a siam ua, "Kum zabi 21 ah mite haw, Pathian in khawvel vak hiding ah ei ko nau hi dawnhuna bawl hitiu," a tiu hi.

2. Vak Nasepte (The functions of light)

(a) **Vak in lampi ei kawkmu sek hi.** Gari tawl te chun thim nuai in tawl taleu bang a ti bep seu ta diam u? Suangkua hawm ah lut te chun mei vak chawi kileu bang a suak ta diam u? meivak neucha chun le bitna leh muanna ei pia sek hi. Lawng chawlmun ah lighthouse chun zan ah lawng hung tungte chu tuipam ah suang leh thil lau um lakin kigin theina a pi ai. Airport ah lenna taina "run way" pam ah signal light neu cha chate chun pilot te warning a pia,

KHAWVEL VAK I HIU

Matthew 5:14-16

Pro. Pastor Thianneilal Vaiphei

D. Phailian Pastor Bial

Thuampui: Tuni ka thupi hun tel hi Jesun tang chung ah thuhilna a nei zaw ah mipite a thuhilna a hi. Khawvel vak la hui tin ama ngei in zia hina tite lopi tak hi a nungzuite ei piak uh a hi. Min ei piak le hilo, ei un i zil dawkh uh le hilo, lei leh van chung ah thuneina zosia a khut ah chawi pa Jesu Khrista'n zia tite hi thilhitheina tawh ei piak uh a hi.

Zia thulawm ahin, Jesun khawvel vak la hui ti hi hil uh a hi. Ei hil uh a hi chun eihaw hin i hi lam uh i ki hiat lo uh tina a hi. Hiat di khat chu *"khawvel vak hi di la hui, la hithei diam u!"* tia ei thumawp uh ahi pua'i. La vak uh chu mi zosia mu din vak hen ti hi Greek pau *Lampsato* kipat ahia, zia chu thupiak a hi. Request hilo, bawl ngei ngei di chi a hi. Zia thu hi kipakum tak chu a hi. Himaleh, zia thu umzia leh a kawkmuchu i he nau em?

Pakhatna: John 8:12-na Jesun Olive Tang temple ah

mipite thu a hil a: *"Keima khawvel vak ka hi, kuale ei zui chu thim in leng puan tin, Hinna Vak nei zawn a,"* a ti. Zia tak ahin ama chu Khawvel Vak a kitia, Matthai 5:14 a hin *"Nang haw khawvel vak la hui"* ei tiu hi. Zia taka thu kizepgu khat chu Vak chu Jesu ahia, ama chu i nei ua chun Jesu zal a chun khawvel vak hidi i hui tina a hi. Jesu Vak i nei uh chu midang tawh kikawp ding salvaktu hi ding i hui.

1. Vak Pawimawna

Pathian in Van leh Lei a siam zaw ah a siam masat

ui. Tuni'n Jesu neilo hinna nuam tak ah hing a um thei pua'i. A ma chu chial in i lungthim ah gam neisak in i Lal ding un pawm in a ma vaihawm sak hi tiu.

5. GINGLO TE GAM AH

: Pathianin a ngaikhawk leh gingtute ei mawpuak sak thupi pen chu gingo te gam ah A ma Pathian gam tunsak, puaklut chu a hi. Gingtute'n a ma lungthim lua sak a, Ama tawh kizawpna hawitak nei te chun ama bep kibuaipi lo in midangte/ginglote a vei in a ngaikhawk hi. Mizoram leh Manipur te haw hi Khristian sakhua in a zel masangin lu late (*head hunters*) gam ti ah tizat ma ma in a la um a, zia hun lai ah Pu William Williams zaw ah Mizoram hung lut Rev. F.W. Savidge (Sap Upa) leh Rev. J. H. Lorrain Pu Buanga) te 1984 Jan.11 ah Aizawl a hung tun limlai chanchin teu hin ka lungthim a lua in a zo ma ma sek hi. Sairang

tiang lawng ah a hung tun zaw un a puanbuk a hun puak teu leh a van dang teu kha kanlawm in thingzawl/gawzawl in samat zawn gual in a zawn ua, zia gam a lu late chun chavai sa ma ma hi ding a hui a, "SAP VAKVAI" a la tiu, a tiu a hi. Tulai ah Pastor Bialfang te i zintun dan u tawh a kikhe ta luai. Aizawl ah Mizo High School tang, tu ah Field hita ah bawkhaw in kum 3 a um ua, zan khat chu a bawkhaw nau a Mizote va chia in meithal a nei uleh neilo uh a va dawng u'i. A mau chun meithal ka nei puau ti leu la a lu uh va tanpiak mai kha leu ti a lau ua, ka nei ui ti leu la zuau gen hi zel ding tiin a lung buai ma mau a. A tawp a chun thudik gen in *"ka nei puau"* a ti tau a. Tichun a meithal dawntute a kilekit ngal u'i. A zing khawvak a chun a thu a hun hiat ua leh khawgal ah sakhi (*hawk*) kapna ding ah meithal va dawn dan a la hui. A mau haw hi

ka vak ngaitua a, zia hun lai ah Mizo ten sapte kiang a Mizo te a mudan uh a dawt lai ua, “*Mihing leh sazawng kikal ah um la hiu*” titute haw kha a hi diam uh ka tia. Pilna thiamna ban ah insung khawsak ah i kikiaknau chu sang ma ma a hi ti a hiat thei a hi. Ahin chanchinpha ziakin zia gual ah sap vakvai tite alawu’ a, thi mai ding lauthawna mun ah Pathian gam tundin ding gua ah na a hung sep u hi a lopi a hi. Chanchinpha vakvaipi chu a hi pen mai u’i.

La gam hung tung hen, ka gam uh Manipur ah hin i ti zing lai un unau Meitei te lak ah chanchinpha gen limsak lo in huat bawl (*hate*) vel ta leu hin a dik thei diam? A dik thei pua’i. I thugin in a gen, ‘*mi zosia bul thakhat, inkuan khat ah unau taw bang i hiu*’, a ti. A mau haw kiang a le i umchan teu apat leh i kam ngei ah le chanchinpha gen ding ah sawl i hiu a, i bawl

lo leh i chia khak chun Jona sangapi gilpi sung va tung gual kha hi thei i hiu. Chanchinpha mi zosia â a hi masang chu Pathian gam hung tung tak tak theilo ding a hi.

THU KHAK NA

I gam siamphat ding I gen teu haw kha thil haksa a hi ban in Pathian gam a naitak zia ah gitlona le pung zel ahia, a hi ding him a hi ti’n ngaisak lo leu hin a dik thei diam?. Hilo e, *gam chu Pathian* â a hia, a phatlonate *siampha ding a chun Pathianin a mite ma a ngansia a hi*. Kochuam in politics va sai hiti tina le a hi diak puai. Pathianin a hun luasakna gam chu i hi thei tiang ah siampha ding ah ei piak a hi. I chenna gam, khawtang, insung eima mimal chiat leh ginglote lak ah Pathian gam a hung tun theina ding ah i hi thei lam chiat teu kivel thak in theitawp sua in pan la thak chiat hi tiu.

pua hen, i phak tiang u leh i bawlthei dan dan a Lalpa nasep hi a pawimaw pen a hi. Talent sukpunna dang chu sungkuan a Lalpa nasep hi a hi. Sungkuan hi a bul kipatna a hi zia in, nu leh pa in a chateu phatak a Pathian thu a ziltit ding uh a hi. Lamdik leh diklo i hiat chian sak ding uh a hi. Zia chu Nu leh Pate’n Pathian thilpiak talent a sukpun na a hi, chate in le Nu leh Pate thu zawp leh Pathian thu hiatna leh ginna a kalsuan hi Talent sukpunna a hi.

Thukhakna

A tawp pen ah chun i gen tak gual un Pathian in mimal tin hi talent ei pia chiat a, Pathian in talent ei piak te hi a ma nasep nan mang leu hin, zia chu Pathian dawit dan a hi. I hithei na leh i bawl theina lam lam ah Lalpa nasep hi gingtu te Pathian in ei siam

ziak le a hi. I talent teu hi Lalpa nasepna ding ah i mat lo ah i suk pung lo chun, i Bible sim ding a kitak lang gual a khan. Talent Pakhat, kawlpaw supung lo ah a pu’n pawlam thim ah a paidawgual a khan, nang leh kei um khai tiu, ziaziak chun Nehemia in Israel mipite kiang in, “Siampha kit hitiu” a ti gual in nang leh kei in Lalpa nasepna lam a hin lawk tak a na i sep theina ding un i kisiam thak/siampha nading thil tam tak a um a hi. Lalpa gam let zelna ding in i thiamnate leh i lemhiatnate mang in i talent dawn teu hi Lalpa nasepnan supung chiat hi tiu. A thu i suklat teu hi Lalpan i chan chiat un hun malsawm ta hen. Amen.

nasepna leh Kochuam lawkna ding a te, sungkuan leh khawtang nasepna ding in Lalpa matchak pawimaw tak hi ding in mang hitiu. Zia ei piakte hi kibang chiat lo maleh suang lep chuam chuam kituak tak a lepkhawm a hi gual in, i thiamna teu hi Pathian leh i Kochuam lopina ding in i mat ding uh a hi.

3. Bang gual in a hem Pathian thilpiak (Talent) i mat phatchuam ding uh?

Tulai i gam dinmun en leu hin, nicheng chanchinbu leh T.V. vel ah i mu leh i hiat teu hi a tangpi in kitha, kimat, HIV/AIDS ziak ah thite, damdawi in a natna lauum tak tak thuak a umte, nek leh chak hawl na det/mumal neilo ziak leh nu leh pa pha neilo ziak a gitlona lam a chia sual ta, Drugs addict

te, a kizuak (K.S) te, eima in a cheng/khosa thei talo a kholai dung leh Home chi chuam chuam ah um te chanchin hiat ding tamtak a um hi, zialo a chun le gitlona chi chuam chuam ziak ah a thagau lam hinna zalenna nei talo te, gitlona sual in a chenchil a um te, Pathian lam ah puilut ding leh lampi dik a pui hi, i talent dawn teu sukpunna matchak hawitak a hi, zia lam a hin i talent dawn teu hi supung thei ding in i lungthim teu siamthak hitiu.

Lalpa nasepna hi Missionary a kuandawk lo ten le sep ding i nei chiat ui, i umna mun chiat a pat in Lalpa na hi i sep ah, ginum tak a kal i suan chun i talent dawn teu sukpun na leh Lalpa na i sep thei nau a hi. Lalpa nasep hin a lian leh a neu a um chuam

MIHINGTE LEH THINA

(Thugentu 12:7; I Kor. 15:20-22)

Rev. Summinlian
Delhi Pastor

Thumapui

Zia khawvel ah i umsung siau ahin mihing zosia mabak chu thina ahi. Kuama kumtuang ah thilo ah damjing ding i umpuau hi. Ziaziak ah chun mitin chung ah thina tung sek chung chang leh Lal Jesu thina leh thawkit na jal ah gingu te chan vo ding vak zil hi tiu.

Thina umzia: Thina hi chini aum ah, taksa thina leh thagau thina, taksa thina chu Eden bawsiat na vang ah hung um ahin (Gen 2:17; 3:19; Ezek 18:4, 20). Thagau thina ahi leh sualna ziak ah Pathian leh mihing te kizawpna hungtan, ziachu Pathian tawh kikhen ta umkhawm thei ta lo tina ahi (Rom 8:6; Eph 2:1; 1 John 5:12).

Thina kiti hi mizosia a ahi, a nei tu chuam a um puai: Bible in, "Mihing te a ding in khatvei thi guat ahi, zia zaw chu leh vaihawm na um

ding ahi" ti in ei hil hi (Heb. 9:27). Mi zosia chung ahin thinan vai a hawm zing hi, nikhat sung ahin a sut ngun te chun mihing nuaikhat sang ah tawmlo thi jing in a sut ui. Mitam tak ala thi tau ah, i thi jing ua, hung thi jel ding i hiu. Zia thina hin, lal in sung mi a za diak pua, migenthe in sung alung siat chuam diak puai, nausente a daidawp diak puai, zia thina gu hin ei hun mat khak tak tak phat leh vang ka kiman nai puai ei chia pel phawt in kua man a ti thei pua'i. Lekhabu ziak tu pakhat chun, "Aw thina nang hi kua ma chial lo

in la hung ah ati leh thina chun, kei chu kua man ei chial lo di ahin la ka tun na in a chun khut ngawn in ka kile kit ngai puai ati” tin a zia ah, adik ma ma hi.

Tulai khawvel ah hin thiamna a pung ah, ahin nat na le apung jel ah, I doctor lak ua hin le super specialist umta, damlo ana diak te kietkawlna ding le ICU (Intensive Care Unit) le aum hi ahin la thina gu hin ei hun tukchak tak tak leh vang bang gual doctor thiam in ei um kim vel uh hen la or bang gual ah etkawl na hawi in ei kienkawlna leh le, kua man i thi hun ding uh ei sukvaigei piak thei ta puai, a zia chu zia thina hi Lalpan mi zosia ading ah a guat ahi zia in ahi (1 Cor 3:22).

Zi leh pawlsal i hung nei ah, i kipak ma mau ah, ahin la, bang tik ni ahem leh chu Ji sunding, pawlsal sun ding i hui ti i het ding

a hi. Zia ban achun chanu, chapa i hung nei ua, jia hi he jing hitiu cha thithei nei kahi ti het ding ahi. Zia zia a chun, ji sun or pawlsal sun i ut lo leh ji leh pawlsal neilawi mai ding hina, chuleh cha sun nuam lo in cha neilawi mai ding hina, i in sung kuan member zat chet chu i lusun zat ding ahi mai hi.

Thina hin hunbi anei puai: Mi zosia hin i insung ah thina ahung tun tak leh ahun lo in i ngai vek ua, khenkhat chu Lalpa chung in i vui vai sek ua, mi tam tak hi Pathian chung in le a kivui sek hi. A zia chu a hun lo ah thi ah i kingai sek zia un mi dang zosia sang ah vang se chung chuang diak in le i kingai sek ui. Midang ten ei hun he nem guat uh leh le a vang se bik deu ah kingai in Pathian na i sepna ah le ei subasam sek hi (cf Sam 73: 2-5). Joba ngei khale a nei zosia leh a cha te a chan

a chun, talent hi Pathian in ‘thil hi theina ei piak’ gen nan le a mang sek ui, Pu J.F. Laldailova Dictionary a chun Talent hi “Thiamna bik” ti in a hilchian hi. Talent ti hi Pathian in ama nasepna ding in thiamna bik ei piak ti in le a gen thei hi, ‘Talent’ hi thil pawimaw tak, Lalpa nasepna leh ama na i sep theina ding un Lalpan ei piak a hi.

2. Bang thil ei piak (Talent) a hi ta diam?

Sawlchak Paul in Rom 12:6, I Korinth 12:4-10 leh Eph 4:11; ah chun hiti hin a gen ah. Lungsiatna eimau ah piak a hi dungzui in, thilpiak chuam chuam i nei chiat ui, khenkhat te chu sawlchak hi ding in, khenkhat te chu Pathian thu gen ding in, khenkhat te chu Kochuam vak ding, zilsak hi ding in, mi tilhat ding leh thilpiak

lam ah sem ding leh a dang tam tak a um hi. Zia i gen gual uh hin ei uh le Pathian in i phutawk chiat un thil piak (Talent) chi chuam chuam ei pia a hi, i talent dawn vang a kibang chiat puai.

Talent i dawn teu hi mi khenkhat in Pathian nasep nan a mat lai un khenkhat in a mau dawidan dan in a mang sek ui. Sawlchak Paul hi a pianthak ma in a talent dawn chu gingu te sukgentheinan a mang in, a hung pianthak zaw a chun Pathian Kochuamte â ding in malsawmna lopi tak a hi. (Rom 6:13) *“la taksa bak teu hi le gitlona lam ah diklona matchak ding in pia phal kiu in la, thina kipat hing kit gual in, Pathian lam ah dikna matchak ding in piaphal zaw tau un”* a ti gual in, i Talent dawn teu hi Pathian

TALENT TEKHIN THU

Bible Chang: Mathai 25:14-30

*Rev. Thangneipau
i/c Kawlben Pastor Bial***Thumapui**

Ni khat chu Lenna vansang tak ah a len lai in, Pilot in Lenna chuang te kiang in thu thupha lam leh thupha lo lam gen ding ka nei hi tiin thu a puang ta. “A pha zawk chu, i lenna in thâ phatak a nei zia in tuchan hi i leng thei zing ua, dakkal khat vel a hi ta’i, zia ban a chun ‘compass’ hi a phat lo zia in i um nau mun u leh tunna tiang uh hiatchian thei a hi ta puai.” Zia a thupuan gual hin thâ phatak nei, lengthei zing a hi vang in, i umna mun le i tunna tiang hiat thei taklo Khristian khualzin i hi khak ding uh a lau um hi. Zia zia chun bang gual hi i dinmun diktak leh gingu hinkhua i hiatchian theina ding un ‘talent’ sukpun chungchang ngaitua khawm hitiu.

1. Talent hi bang gual a hi ta diam?

Talent hi dangka ahi lo leh paisa genna a hi, Dr. Luka chun Talent hi dangka ati hen (Lk 19:11-17) zia chu Greek paisa a chun Mina khat, Denarion 100 a hi, Denarion chu ei

pau ah chun Makhai ti a kilet dawka a hi, Denarion (Makhai) khat chu Belam pakhat chawka thei a hi. Zia chu mi khatin nitha 100 lawdawka gual a hi. Tulai nitha man ₹ 200 ah i hisap chun ₹ 20,000 (100x200=20,000) tina a hi. Zia hun lai (Middle Age)

vek lai a khan a ngaina he lo in, a pianni ngei le hansia alaw tawp mai hi (Job 3:3). A thawk na kha a nasat bek zia in a hethiam thei puai, ahinla a tawp in a kimu dawka ah, bangkim hi Pathian vaihawmna nuai ah chun ahi thei vek hi, a zia chu Pathian hi bang kim chung ah vaihawmtu ahi zia in. Pathian vaihawmna he chian lo ah, ala umna kha a tawp in ahun het chian phat in, “Kei leh kei ka ki kidak tan, leivui leh vut lak ah kitung in, ka kisik ta ahi, ti in (Job 42:6). Ziazia a chun bangtik lai a le zia khawvel hi nusia ziang thei kahi ti he zing ah, hinkhua i mat uh hi a pawimaw ma ma hi.

Thiding ah kisak lawk a ngai hi: Mihing te hin thimai ding ah kingai hi hak a kisa sek ah, ahin la mi zosia hin thina i ma bak chiat ngal ah. Shaftesbury chun, “Ka nungram kum 40 liam ta a kipat khan

bang tik lai in le pengkul gi in ka hinkhua hi a sutawp thei hi ti ngai tua lo in kana sep ka pan ngai puai a ti.” A ma ading in vang a hun lo ah thithut ti um puanna. Lal Jesu ngei inle a zilsak na a khan, “Ki ging zing in um un,” atia (Mat 24:44). Khawvel ah mitam tak te hin i hinkhua uh deng del zia hi ngai tua pha lo in i ut dan dan in hun i mang in, bangchan i limpi ding le hetlo in duam tak in ei malsawmtu Pathian thu ngaisak manlo in hun i mang sek ua, a pawimaw ma ma jiang hi. Zia zia ah chun tulai i khawvel hinkhua mat zing lai ahin, Mosi pauchapna thu hi a pawimaw ma ma hi. Mosi khan Pathian kiang in pilna ahem, hausakna ahem a dawn pua, a damlai hinkhua Lalpa dawidan ah a mat thiam theina ding a dawn hi. “Ka damsung ni teu tiam dan ei hil in” ati ahi (Sam 90:12). Damsung

ni hinkhua mang dik tu leh mang dik lotu kal vang zia damsung hinkhu bep hilo in kumtuang in le hun kikhe ma ma ding ahi.

Gingtu dik tak te din, Pathian in Lal Jesu thina leh thawkitna ziak in thina umjia thak in ei siam piak tai.

Piangthak lote a ding in thina hi kumtuangin huaise deu deu in tin, himaleh, piangthak chate a ding in vang thina kiti hi Lalpa Jesu thina leh thawkitna ziak in kumtuang nawpsakna leh kipakna bukim ahung hi ta'i. Lal Jesu zal in thina hi gingtu te ading in:

(1) **Imu:** Lalpa Jesun thina hi imu atia, a ziak chu a man thina a zaw tak ziak in (John 11:11; 1 Cor 15:20, 52). Thina kiti hi taksa a ding ah thina, himaleh, thagau a ding ah hinna ahi. Gingtu diktak te vang musit umtak leh tawm

tak in than ah vuiliam in um sek ma leu hin, bangtik hun a hem leh vang Lal Jesun zia thina a pat hin lopi tak in kumtuang ah hing ding in ei kaitho kit ding a hi. Zia chanvo lopi tak chu gingtu ten Jesu thina leh thawkitna ziak ah i chanvo chu a hi.

(2) **Kumtuang ah damna:** Natna sukdam theilo thuak in thi thei lole hin genthei um ma ma ding ahi. Thimai in ti hi hansia hilo in kidawisakna thu hi zaw ding ahi. Natna thuak te a ding in Lal Jesun natna leh genthei um tak lona mun ei siam piak hi (Rev 7:13-15; 21:4). Isai in ziagual hin ala ziak hi, "Chun, a gam sung ah cheng kuama'n, "Ka dam puai," ti ngai ta pu'a'n nau (Isa 33:24). Rev Vanlazuata in thina hi 'damdawi changlian' chu ahi atia, gingtu diktakte thina chu kumtuang ah dam vawng vawngna, bang ma natnan

a sukbuai kit thei tak lo ding ah damna chu a hi ta'i.

(3) **Saltang pawtdawna:** Mithi dak second sawmthun dan ah kikak deu ah hung kikhen sek khu (Jubilee dak) gingtu te ading ah sual suak a pat zalenna dak a hi. Paul in, "Thi lau ziak ah damsung suak ah umte chu a thadaw theina ding in (Heb 2:15). Ziakiak ah chun gingtute a ding in thina hi kumtuang a ding ah zalenna a hi. Lalpa Jesu, "Kei chu khatvei thisa, himaleh, hing kit ta chu ka hi; ngaitia, kumtuang a ding ah hing zing chu ka hi tai, thina leh mithi khua chabi chu ka nei tai (Rev 1:18) a tia. Lal Jesu thina leh thawkitna ziak in a ma gingtu te a ding in thina suak ah tang te a ding in zalenna dak a khen ta'i.

Thukhakna

Gingtute hi Lalpa Jesu zal ah taksa thak pu

ah thokit ding hi leu hinle, thinan ei hun tun khum phat leh mitthitui in ei chup sek hi. Pathian ah i ginnau a hat lo ziak hilo in, i kilungsiat ziak uh a hi zawi. Himalehle, gingtute a ding in zia kana guam a kipat in limna tui a hung luang dawk sek hi (cf Sam 84:6). Ka-na chu a zan giak mai thei, ahi'n, zingkal ah chun kipakna a hung tung ngal sek hi (Sam 30:5b). Unau dawitak bang tik hun a hem le chu i ut leh ut lo thu hilo di, ei kiman leh kimlo thu hilo ding zia thina gu hin ei hun man ngei ngei ding a hi. David in, "*thi'na tawh kakikal uh hi kalkhat bepcha ahi atia*" (1 Sam 20:3). Mihing hinkhau hi a chawm ah, a dengdel bawk hi. Zia thu hi he zing hitiu. Paula in thina hi melma gual in gen ma leh Lal Jesu gintute a ding in vankawt ei hawn piaktu a hi zaw ta'i.